

## SIARAN AKHBAR

Bahagian Hal Ehwal Awam dan  
Komunikasi Korporat Kumpulan  
Lembaga Tabung Haji  
Lantai 16, Bangunan Tabung Haji,  
201, Jalan Tun Razak, 50732 Kuala Lumpur  
Tel : 03 2054 2132  
Faks : 03 2164 0436  
Email : bkk@th.gov.my

Tabung Haji Contact Centre  
Tel : 03 6207 1919  
Faks : 03 7728 4959

[www.tabunghaji.gov.my](http://www.tabunghaji.gov.my)

### ZAKAT TH MEMPERKASA SOSIOEKONOMI GOLONGAN ASNAF MELAKA

Peningkatan sebanyak 28.2% berjumlah RM2.69 juta

**MELAKA, 24 Mei 2019** – Lembaga Tabung Haji (**TH**) hari ini menyerahkan **Zakat TH** berjumlah **RM 2,693,964.62** bagi tahun kewangan berakhir **2018** kepada **Zakat Melaka** dalam satu majlis ringkas di Pejabat Ketua Menteri Melaka, YAB Tuan Adly bin Zahari.

Beliau telah berkenan menerima bayaran **Zakat TH** daripada Tuan Haji Meor Khairi bin Meor Mohd Bazid, Ketua Pengurusan Portfolio (Ekuiti Domestik) **TH**. Bayaran zakat bagi negeri Melaka ini mencatatkan peningkatan sebanyak **28.2%** berbanding tahun 2017 (RM 2,100,930.99).

“Setiap tahun, **TH** melaksanakan bayaran zakat yang merupakan sebahagian daripada tanggungjawab **TH** sebagai sebuah organisasi Islam dengan sasaran untuk memperkasakan kewangan Islam dan pembangunan sosio-ekonomi ummah terutama bagi golongan asnaf,” kata Tuan Haji Meor Khairi bin Meor Mohd Bazid.

**TH** berharap pembayaran zakat ini dapat dimanfaatkan oleh Zakat Melaka ke arah kemampanan program-program zakat yang dirangka di negeri Melaka bagi kelestarian ekonomi golongan asnaf, tambahnya lagi.

Jumlah keseluruhan bayaran **Zakat TH** 2018 terus mencatatkan **peningkatan** sebanyak **26.6% (RM85.57 juta)** berbanding tahun 2017 (RM67.61).

Pada tahun ini, **TH** memperkasakan lagi tanggungjawabnya dengan pelaksanaan Program Zakat yang disasarkan kepada golongan yang memerlukan melalui pengajuran program berbentuk pendidikan, keusahawanan, kebaikan dan kemasyarakatan. Inisiatif tersebut diharap memberi impak positif berganda kepada golongan asnaf.

Turut hadir pada majlis tersebut adalah YBhg. Datin Mahani Binti Othman Basir, Timbalan Pengurus Zakat Melaka; YBrs. Encik Abd Halim bin Ismail; Ketua Pegawai Eksekutif Zakat Melaka; Tuan Haji Amat Kassim bin Pait, Pengarah **TH** Negeri Melaka; ahli-ahli Lembaga Pengarah Zakat Melaka dan anggota-anggota **TH**.

**-Tamat-**

**Lembaga Tabung Haji**

Lembaga Tabung Haji (**TH**) adalah sebuah badan berkanun yang diperbadankan di bawah Akta Lembaga Tabung Haji 1995 (Akta 535). Aktiviti utama **TH** adalah dalam pengurusan haji, tabungan dan pelaburan. **TH** bertekad untuk menyediakan perkhidmatan haji yang cemerlang kepada jemaah Malaysia dan rekodnya yang konsisten ini telah mendapat pengiktirafan dunia sebagai model kepada pengurusan haji yang inovatif. **TH** mempunyai lebih daripada sembilan juta pendeposit dan 125 cawangan dengan hampir 10,000 touch points, di seluruh negara. Untuk maklumat lebih lanjut mengenai perkhidmatan Tabung Haji, sila lawati [www.tabunghaji.gov.my](http://www.tabunghaji.gov.my) atau hubungi Tabung Haji Contact Centre di talian 03-6207 1919.

Untuk keterangan lanjut mengenai siaran akhbar ini, sila hubungi:

<b>Affan Aimaduddin Azami</b> Eksekutif, Perhubungan Media Bahagian Hal Ehwal Awam dan Komunikasi Korporat Kumpulan Lantai 16, Menara <b>TH</b> Tun Razak 201 Jalan Tun Razak Kuala Lumpur Tel: 03 2054 2238 Tel. Bimbit: 019 984 7138 Faks: 03 2164 0436 Emel: affan.aimaduddin@lth.gov.my	<b>Mohamad Naser Jaffar</b> Pengurus Kanan Bahagian Hal Ehwal Awam dan Komunikasi Korporat Kumpulan Lantai 16, Menara <b>TH</b> Tun Razak 201 Jalan Tun Razak Kuala Lumpur Tel: 03 2054 2451 Tel. Bimbit: 019 200 8438 Faks: 03 2164 0436 Emel: naser@lth.gov.my
---	--